



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 63. Regula Fratrum Minorum confirmatur.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

tis nostris monitis, in malo contumaciter obfirmatos, jam diu a nobis anathemate fuisse confixos. Honorius Papa, cum hæc scriberet, adhuc mortem Raimundi senioris nescivisse videtur.

Sæcul. XIII.

A. C. 1223.

§. LXIII.

Regula Fratrum Minorum confirmatur.

Sub idem tempus Honorius Papa *Regulam Fratrum Minorum, Bulla die vigesima nona Novembris anno salutis millesimo ducentesimo vigesimo tertio, Pontificatus sui octavo, in formæ authentica data, confirmavit.* Nam S. Franciscus videns, quam late Ordo suus propagaretur, credidit sibi curandum esse, ut Honorius Papa Ritu magis solemniter Instituti sui rationem confirmaret, quam Innocentius non nisi viva voce approbasset. Ista cogitanti per quietem quædam revelatio ostensa est. Videbatur sibi, minutissimas panis micæ e terra collegisse, quas compluribus Fratribus, fame pressis, & se circumstantibus, distribueret, ac cum timeret, ne micæ istæ ob tenuitatem e manibus suis elaberentur, vocem audire ex alto: *Francisce! ex omnibus his micis unam hostiam fac, & de ea manducaturis porrige.* Fecit, quod juebatur, omnesque, qui particulam

Ss 2

culam

Sæcul. XIII.
A. C. 1223.

culam suam haud ea qua par erat devotione accipiebant, aut acceptam contemnebant, lepram infecti conspiciebantur. Ut illuxit, Fratribus visum narravit, tristis, quod Mysterium non caperet. Die vero sequente vocem de Cælo allapsam audiit; *Francisce, Mica noctis prætedita Evangelii verba sunt, Hostia Regula, lepra vero quorundam iniquitas.*

Ergo Regulam suam in formam brevioris contracturus, cum duobus sociis montem ascendit, ubi in pane & aqua jejunans Regulam conscribi jussit, qualem sibi Spiritus Dei in oratione dictabat. De monte descendens, eam custodiendam tradidit Fratri Eliæ, Vicario suo, qui paucis post diebus hoc scriptum per negligentiam a se amissum esse affirmavit. Franciscus igitur in solitudinem reversus, Regulam illico restituit, tanquam ex ore Dei sibi suggestam. Ea est, quam ab Honorio Papa confirmari impetravit, utque Fratres ad eam observandam fortius incitaret, dicere solebat, nihil se ex proprio arbitrio addidisse, sed omnia conscribi jussisse, prout a Deo sibi revelata fuissent. Porro Regula hoc est Exordium.

Opusc. p. 170 Fratrum Minorum Regula & vitæ
Vading. an. observatione Evangelii, in obedientia
1223. n. 12. & castitate sine alicujus rei proprietate
sita est. Frater Franciscus obedientiam

& obsequium Honorio Papæ ejusque successoribus promittit. Ex his dispicimus, Sæcul. XIII.
A. C. 1223.

S. Franciscum semper supremum Ordinis Præpositum, Fratrem Eliam vero, ipsius Vicarium, fuisse habitum. Statuit deinde Regula, soli Ministro Provinciali potestatem esse debere, Fratres Tyrones recipiendi, quibus, postquam maturo eos examini subjecerit, si Instituto aptos inveniatur, dicat; irent, & venderent sua omnia, ac pauperibus distribuerent. At in distributione bonorum postulantis ingressum Fratribus nulla pars sit. Tum Tyronibus detur habitus Probationis, nempe duæ tunicæ sine cucullo*, cingulum, femoralia, ac palliolum usque ad cingulum dependens. Exacto probationis anno promittant, se Regulam semper servaturos, & exinde tunicam gerant cum cucullo, & si velint, etiam aliam sine cucullo. Quin si necessitas postulet, calceis utantur. Ex Fratrum vestitu paupertas eluceat, & veterem amicum resarciant, benedictentes Dominum. Ceterum alios homines molliter vestitos, & variis coloribus splendentes, aut corpusculum delicate nutrientes non contemnant, nec Dei judicium antevertant. Quilibet se ipsum solum judicet, & vilipendat.

Clerici Officium divinum more Ecclesiæ Romanæ recitent. Laici loco

Id. n. 17.

* Capuce

S. Francisci.
Regula

Sæcul. XIII. Psalmodum Matutinorum vicies quater
 A.C. 1223. *Pater Noster* recitent, quinquies *Pater*

c. 3.

Noster ad Laudes, septies ad singulas horas minores, duodecies ad Vesperas, septies ad Completorium, ac præterea pro defunctis orent. Omnes Fratres a Festo Omnium Sanctorum usque ad Natalem Domini jejurent. Qui voluerint, antecedentes quadraginta dies ab Epiphania usque ad Quadragesimam jejurent. Reliquo anni tempore non nisi diebus Veneris ad jejunium obligentur.

c. 4.

Pecuniam nec ipsi nec per tertiam personam accipiant. Nihilominus Ministri & *Guardiani* per amicos suos spirituales ægrotorum necessitati, & vestimentis Fratrum, habita frigoris & Regionis, in qua commorantur, ratione, provideant, ita tamen ut nunquam pecuniam accipiant.

c. 5.

Fratres, qui hoc donum a Deo habent, fideliter laborent, sic ut otium devitent, & Spiritum orationis non extinguant. In mercedem laboris sui corpori humano necessaria sibi & Fratribus suis accipiant, salva humilitate & paupertate, sed pecuniam non tangant. Fratres nihil proprium possideant, nec domum, nec fundum, nec quodcumque aliud, sed memores, quod peregrini sint in hac terra, exeant & magna fiducia eleemosynam petant.

c. 6.

Hæc illa est sublimis paupertatis virtus,

Fra.

*Fratres carissimi, quæ vobis regnum in Cælo pariet. Ubi-
cunque obvios Fratres habueritis, amicitia tenera & sincera
ostendite, quod vere Fratres sitis. Al-
ter alteri confidenter manifestate, quibus
rebus indigeatis, & si quis in morbum in-
cidat, ceteri infirmo ita serviant, ut sibi
ipsis ægrotantibus ministrari vellent.*

Sæcul. XIII.
A. C. 1223.

c. 9.

Nullus Fratrum populo Verbum Dei prædicare præsumat, nisi cui Minister Generalis, ad examen vocato, licentiam concesserit. In illa Diocæsi, in qua repugnat Episcopus, non prædicent. Sermo prædicantis sit simplex, castigatus, & ad salutem audientium unice tendens. Paucis verbis naturam vitiorum & virtutum, pœnasque æternas ac cœlestem gloriam exponant. Si cui Deus mentem ingerat ad Infideles proficiscendi, facultatem abeundi petat a Ministro Provinciali, qui eam viris solummodo tanto operi idoneis tribuat.

c. 12.

Omnes Fratres Ministro Generali obedire teneantur. Quo vita functo, Ministri Provinciales & Guardiani in Capitulo Pentecostes successorem eligant. Capitula evoluta semper, plus minusve, triennio, ut visum fuerit, in urbe a Generali præstituta, celebrentur. Si omnes Provinciales & Guardiani arbitrati fuerint, Generalem administrando Ordini parem non esse, alium eligere

c. 8.

Ss 4 tenean-

Sæcul. XIII. teneantur. Soluta Capitulo Penteco-
 A.C. 1223. stes Provincialibus & Guardianis alia
 particularia eodem anno celebrare liceat. *Ministri a Papa quemdam Cardinalem Tutorem & Protectorem hujus societatis petant, ut semper Ecclesiæ Romanæ simus omnino subjecti, atque humilitatis & paupertatis Evangelicæ amantissimi.*

6. 7.

Si aliquis Fratrum hujus modi peccatum mortale commiserit, de quo Ordinis statuta præcipiunt, ut reus Ministrum Provinciale adeat, res nullatenus differatur, Minister vero poenitentiam ei injungat, si Sacerdos sit, si ipse non sit, eam a Sacerdote sui Ordinis injungi curet. Inprimis iræ semper potentes sint Fratres, & occasione peccatorum alienorum se ipsos turbari non patiantur, nihil enim magis Caritatem quam hujusmodi affectus lædunt.

6. 10.

Paucos profecto illa ætate in Ordine FF. Minorum Presbyteros fuisse numeratos, conjicere est, cum ne quidem omnes Ministri Provinciales initiati fuerint. Tunc addit Regula: Ministri, quia aliorum Fratrum Servi sunt, eos sæpe invisant, admoneant, & in omni humilitate ac caritate corripiant. Fratres in omnibus, quæ conscientia & Regulæ nostræ non adversantur, Ministris obediant. Ministri faciles aures dent cunctis ad se

se accedentibus, quos tanquam Magi-
 stros suos revereantur. *Etiam atque e-*
tiam exhortor, Fratres! cavete vobis a
superbia, a vana gloria, & invidia. Qui
literarum rudes sunt, non cupiant eas
addiscere, sed orationi vacent, atque in
humilitate & patientia exercentur.

Hucusque S. Francisci Regula.

§. LXIV.

Ordo de Mercede.

Eodem anno in Hispania novus viro-
 rum Religiosorum Ordo, videlicet *Catel. Lan-*
 de mercede ad Redemtionem Captivo- *gued. p. 675.*
 rum originem duxit, Auctore Petro No- *Vit. S. Petr.*
 lasco, in loco, qui *Mansum* sanctarum *Nol. 29.*
 puellarum prope Castrum novum dice- *Jan.*
 batur, nato. Cum Rex Jacobus Arago- *Boll. to. 2.*
 niæ, parente suo in pugna ad Muretum *p. 981.*
 victo cæsoque, Carcassonæ captivus de-
 tineretur, ei adhuc adolescentulo, vix
 enim ad annum ætatis sextum pervene-
 rat, Simon Montfortius Petrum Nola-
 scum comitem & moderatorem dedit.
 Princeps deinde anno millesimo ducen-
 tesimo decimo quarto, urgente Papa, ut *Indic.*
 retulimus, ad sua dimissus est. Elapso *Arag. an.*
 exinde triennio, Petrus ad Regem Barci- *1214.*
 none tunc commorantem se contulit, &
 cum jam diu vehementissimo desiderio
 teneretur, Christianis, a Mauris captis,
 opem ferendi, Regem juvenem permo-

§ s § vit,